

---

OFFERYNNAU STATUDOL CYMRU

---

**2008 Rhif 1890 (Cy.179)**

**YR IAITH GYMRAEG**

**Gorchymyn Cynlluniau Iaith Gymraeg (Cyrff Cyhoeddus) 2008**

<i>Gwnaed</i>	- - - - -	<i>16 Gorffennaf 2008</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>17 Gorffennaf 2008</i>
<i>Yn dod i rym</i>	- -	<i>11 Awst 2008</i>

Mae Gweinidogion Cymru, drwy arfer y pwerau a roddwyd i'r Ysgrifennydd Gwladol gan adran 6(1) o Ddeddf yr Iaith Gymraeg 1993(1) ac a freiniwyd bellach ynddynt(2) drwy hyn yn gwneud y Gorchymyn canlynol:

**Enwi a chychwyn**

1. Enw'r Gorchymyn hwn yw Gorchymyn Cynlluniau Iaith Gymraeg (Cyrff Cyhoeddus) 2008 a daw i rym ar 11 Awst 2008.

**Pennu Cyrff Cyhoeddus**

2. Pennir y personau y cyfeirir atynt yn yr Atodlen i'r Gorchymyn hwn at ddibenion Rhan II o Ddeddf yr Iaith Gymraeg 1993.

16 Gorffennaf 2008

*Rhodri Glyn Thomas*  
Y Gweinidog dros Dreftadaeth, un o  
Weinidogion Cymru

---

(1) 1993 (p.38).

(2) Trosglwyddwyd swyddogaethau'r Ysgrifennydd Gwladol, mewn perthynas â Chymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672); gweler y cyfeiriad at Ddeddf yr Iaith Gymraeg 1993 yn Atodlen 1. Yn rhinwedd adran 162 o Ddeddf Llywodraeth Cymru 2006 (p.32) a pharagraff 30 o Atodlen 11 iddi, mae'r swyddogaethau hynny yn arferadwy gan Weinidogion Cymru.

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

YR ATODLEN

Erthygl 2

*Enw Cymraeg neu gyfeithiad o'r enw neu ddisgrifiad*

Archwilydd Cyffredinol Cymru  
Yr Asiantaeth Genedlaethol er Gwella Plismona  
Awdurdod y Diwydiant Diogelwch  
Awdurdod Gweithredu'r Gemau Olympaidd  
Banc Lloegr  
Comisiwn Cwynion Annibynnol yr Heddlu  
Y Comisiwn Cystadlu  
Y Comisiwn Datblygu Cynaliadwy  
Y Comisiwn Etholiadol  
Y Comisiwn Hapchwarae  
Comisiwn y Loteri Genedlaethol  
Cynghorau Sgiliau Sector  
Y Cyngor Ceiropractig Cyffredinol  
Cyngor Chwaraeon y DU  
Y Cyngor Defnyddwyr Dŵr  
Cyngor Llyfrau Cymru  
Y Cyngor Optegol Cyffredinol  
Y Cyngor Osteopathig Cyffredinol  
Y Cyngor Prydeinig  
Cyngor Rheoleiddio Proffesiynolion Gofal Iechyd  
Cyllid Cymru c.c.c.  
Cymdeithas Fferyllol Frenhinol Prydain Fawr  
FFORWM  
Y Gronfa Loteri Fawr  
Grŵp y Post Brenhinol c.c.c.  
Y Gwaddol Cenedlaethol ar gyfer Gwyddoniaeth, Technoleg a'r Celfyddydau  
Y Rheoleiddiwr Pensiynau  
Sefydliad Datblygu Cymunedol  
Y Swyddfa Gyfathrebiadau  
Tribiwnlys Anghenion Addysgol Arbennig Cymru  
Uned Ddata Llywodraeth Leol — Cymru  
Yr Ymddiriedolaeth Arbed Ynni Cyfyngedig  
Yr Ymddiriedolaeth Garbon

---

## EXPLANATORY NOTE

*(Nid yw'r nodyn hwn yn rhan o'r Gorchymyn)*

O dan Ran II o Ddeddf yr Iaith Gymraeg 1993 (“y Ddeddf”) caiff Bwrdd yr Iaith Gymraeg roi hysbysiad ysgrifenedig i unrhyw gorff cyhoeddus lunio Cynllun Iaith Gymraeg. Mae adran 6 o'r Ddeddf yn rhestru amryw o gyrff cyhoeddus at ddibenion Rhan II o'r Ddeddf ac yn darparu bod yr Ysgrifennydd Gwladol (Gweinidogion Cymru bellach) yn cael pennu cyrff cyhoeddus pellach at y dibenion hynny.

Mae'r Gorchymyn hwn yn pennu cyrff cyhoeddus pellach at ddibenion Rhan II o'r Ddeddf.

Mae pum Gorchymyn blaenorol wedi'u gwneud o dan adran 6 o'r Ddeddf:

Gorchymyn Cynlluniau Iaith Gymraeg (Cyrff Cyhoeddus) 1996 (O.S. 1996/1898);

Gorchymyn Cynlluniau Iaith Gymraeg (Cyrff Cyhoeddus) 1999 (O.S. 1999/1100);

Gorchymyn Cynlluniau Iaith Gymraeg (Cyrff Cyhoeddus) 2001 (O.S. 2001/2550 (Cy.215));

Gorchymyn Cynlluniau Iaith Gymraeg (Cyrff Cyhoeddus) 2002 (O.S. 2002/1441 (Cy.145)); a

Gorchymyn Cynlluniau Iaith Gymraeg (Cyrff Cyhoeddus) 2004 (O.S. 2004/71 (Cy.7)).